

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-15433/26
Zenica, 11.08.2026. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) i člana 64. Zakona o zdravstvenoj zaštiti („Službene novine Federacije BiH“, br. 46/10 i 75/13), a u vezi sa odredbama Statuta Javne ustanove Apoteka „Zdravlje“ Zenica broj: 22-20/2-6352/12 i 22-20/2-7010/2021 i Odluke o kriterijima za imenovanje upravnih odbora zdravstvenih ustanova čiji je osnivač općina Zenica („Službene novine općine Zenica“, broj 3/12) u postupku izbora i imenovanja dva člana Upravnog odbora Javne ustanove Apoteka „Zdravlje“ Zenica, Gradonačelnik Grada Zenice objavljuje

O G L A S
za izbor i imenovanje dva člana Upravnog odbora
Javne ustanove Apoteka „Zdravlje“ Zenica

Objavljuje se Oglas za izbor i imenovanje dva člana Upravnog odbora Javne ustanove Apoteka „Zdravlje“ Zenica i to:

- predstavnik Osnivača - jedan član,
- predstavnik stručnih radnika JU Apoteka „Zdravlje“ Zenica - jedan član.

Imenovanje Upravnog odbora Javne ustanove Apoteka „Zdravlje“ Zenica vrši Gradsko vijeće Zenica na prijedlog Gradonačelnika Grada Zenica, nakon obavljene procedure izbora kandidata putem javnog Oglasa.

Upravni odbor imenuje se na mandatni period od četiri godine.

OPIS POZICIJE

Upravni odbor je nadležan i odgovoran da: donosi Statut i druge opće akte u skladu sa zakonom i Statutom; donosi finansijski plan i usvaja godišnji obračun; donosi planove, odnosno programe iz oblasti zaštite na radu, zaštite od požara, fizičko-tehničke zaštite, zaštite i spašavanja ljudi i materijalnih dobara u slučaju prirodne i druge nesreće i ostale planove i programe koji se donose u Apoteci; utvrđuje planove rada i razvoja Apoteke; utvrđuje godišnji program rada; svake kalendarske godine utvrđuje višak prostora u kojem se obavlja apotekarska djelatnost kao i višak nezdravstvenog prostora; odlučuje o korištenju sredstava preko iznosa utvrđenog Statutom; odlučuje o svim pitanjima obavljanja djelatnosti radi kojih je Apoteka osnovana ako zakonom nije određeno da o određenim pitanjima odlučuje drugi organ Apoteke; odlučuje o prigovoru zaposlenika na rješenja kojim je direktor Apoteke odlučio o pravu, obavezi i odgovornosti zaposlenika iz radnog odnosa; rješava sva pitanja odnosa sa Osnivačem; podnosi Osnivaču najmanje jedanput godišnje izvještaj o poslovanju Apoteke; na prijedlog direktora ustanove uz obaveznu prethodnu saglasnost Osnivača donosi, mijenja i dopunjava opće akte u skladu sa zakonom i Statutom, kojima se uređuje unutrašnja organizacija i sistematizacija radnih mjesta, plaća i naknada radnika; odgovara Osnivaču za rezultate rada Apoteke; uz saglasnost Osnivača donosi odluku o promjeni naziva i sjedišta Apoteke; predlaže Osnivaču promjenu ili proširenje djelatnosti Apoteke; imenuje Etički komitet Apoteke; imenuje komisije u skladu sa zakonom i općim aktima Apoteke; imenuje i razrješava direktora, odnosno vršica dužnosti direktora Apoteke; usmjerava, kontroliše i ocjenjuje rad direktora; obavlja i druge poslove u skladu sa zakonom, Statutom i općim aktima Apoteke.

Kandidati moraju ispunjavati opće i posebne uslove.

Opći uslovi za imenovanje:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da se na kandidata ne odnosi član IX.1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, br. 12/03, 34/03 i 65/13),
6. da nema privatni-finansijski interes u zdravstvenoj ustanovi u čiji se upravni odbor kandiduje,
7. da nije direktor zdravstvene ustanove,
8. da nije član ni u jednom upravnom odnosno nadzornom odboru ustanove, zavoda, odnosno privrednog društva sa većinskim državnim kapitalom,
9. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj 70/08),
10. da nije lice koje je osuđivano za krivično djelo nespojivo sa dužnošću u upravnom odboru zdravstvene ustanove.

Posebni uslovi za imenovanje:

1. VSS - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova, pravnog, ekonomskog ili zdravstvenog usmjerenja,
2. da ima najmanje 5 (pet) godina radnog iskustva na poslovima svog stručnog naziva,
3. da ima stručno znanje iz djelatnosti zdravstvene ustanove, te da su upućeni u sadržaj i način njenog rada,
4. da ima sposobnost upravljanja finansijskim sredstvima i ljudskim resursima, kao i sklonost timskom radu.

Potrebni dokumenti:

Uz svojeručno potpisanu prijavu kandidati trebaju dostaviti:

1. kraću biografiju sa adresom i kontakt telefonom,
2. diplomu o završenom obrazovanju (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
3. uvjerenje o državljanstvu (ne starije od 6 mjeseci),
4. dokaz o traženom radnom iskustvu nakon sticanja visoke stručne spreme (potvrda/uvjerenje iz koje se može utvrditi radno mjesto, tražena stručna sprema za radno mjesto i dužina radnog iskustva),
5. ovjerena izjava kandidata o činjenicama nabrojanim u tačkama 3. do 9. općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Dokaz iz tačke 10. „Općih uslova za imenovanje“, kojim se potvrđuje da kandidat nije osuđivan za krivično djelo nespojivo sa dužnošću u upravnom odboru zdravstvene ustanove, odgovorni javni službenik zatražit će od kandidata koji budu predloženi za konačno imenovanje, a navedeni dokaz ne smije biti stariji od dana objavljivanja Oglasa.

Dokumenti koji se prilažu uz prijavu moraju biti originali ili ovjerene kopije. Kandidati su dužni u prijavi i na koverti naznačiti na koju poziciju apliciraju.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu održavanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**Prijava na Oglas za izbor i imenovanje dva člana Upravnog odbora
Javne ustanove Apoteka „Zdravlje“ Zenica
iz reda _____
- NE OTVARATI“**

**GRAD ZENICA
Stručna služba Gradskog vijeća i Gradonačelnika
- Komisija za izbor -
Trg Bosne i Hercegovine br. 6
72 000 Zenica**

**GRADONAČELNIK
Fuad Kasumović**